

**Odbor za civilno društvo**



Sektor za civilno društvo



**P O Z I V N I C A**  
za učešće na konferenciji

**JAČANJE DEMOKRATSKE KULTURE DIJALOGA I SARADNJE INSTITUCIJA VLASTI I CIVILNOG DRUŠTVA U BIH**

**- Primjena Sporazuma o saradnji između Vijeća ministara BiH i NVO sektora u BiH -**

*pod pokroviteljstvom*

predsjedavajućeg Vijeća ministara BiH dr. Nikole Špirića

Sarajevo, 31.03.2009, Velika sala Parlamentarne Skupštine BiH, Trg BiH 1

Konferencija se održava u okviru višegodišnje civilne kampanje zagovaranja čiji je osnovni cilj nastavak zajedničkih aktivnosti bh. Vlasti, nevladinih organizacija (NVO) i drugih organizacija civilnog društva (OCD) u BiH na promociji i jačanju institucionalnog dijaloga i saradnje između vladinog i nevladinog sektora.

Osnovna svrha konferencije je da predstavnici bh. Vlasti i civilnog društva upute poruku građanima, domaćoj i stranoj javnosti o njihovoj opredijeljenosti i spremnosti da zajednički rade na rješavanju ključnih ekonomskih, socijalnih i drugih problema sa kojima je danas suočena ogromna većina građana u Bosni i Hercegovini. Rezultati konferencije treba da doprinesu efikasnoj primjeni već potpisanog „Sporazuma o saradnji između Vijeća ministara BiH i NVO sektora u BiH“ (Sporazum). Očekuje se da će to pružiti dodatni poticaj predstavnicima vlasti i civilnog društva i na svim drugim nivoima vlasti da se intenzivnije angažuju na jačanju međusobnog dijaloga i saradnje, polazeći od svog položaja, uloge i odgovornosti prema građanima, zajednici i društvu u cjelini.

Konferencija se održava pod visokim pokroviteljstvom predsjedavajućeg Vijeća ministara BiH dr. Nikole Špirića, uz učešće najviših predstavnika izvršnih i zakonodavnih vlasti BiH i predstavnika domaćih NVO, mreža, koalicija i drugih OCD iz cijele BiH, te visokih predstavnika međunarodne i donatorske zajednice u našoj zemlji.

Suorganizatori:



Konferencija se održava uz finansijsku podršku USAID-a u okviru programa: „Održivi razvoj NVO sektora u BiH“

Organizatori Konferencije su Odbor za civilno društvo, Sektor za razvoj civilnog društva pri Ministarstvu pravde BiH, BiH NVO Vijeće i Centar za promociju civilnog društva (CPCD), a suorganizatori su Američka agencija za međunarodni razvoj (USAID) i Delegacija Evropske komisije u BiH.

Očekuje se da će na kraju konferencije biti usvojeni Zaključci u kojima će učesnici izraziti svoju spremnost da dosljedno izvrše obaveze koje su preuzeli činom potpisivanja Sporazuma, te utvrditi osnovne ciljeve i prioritetne programe buduće saradnje. Ovi Zaključci će poslužiti Vijeću ministara BiH, drugim nivoima bh. vlasti i predstavnicima civilnog društva kao osnova za izradu zajedničkih operativnih planova akcije, uključujući način praćenja i evaluacije uspjeha u njihovoj realizaciji.

U prilogu poziva dostavljamo preliminarni Program rada konferencije i prijedlog teksta Zaključaka. Molimo da u vremenu do održavanja Konferencije, a najkasnije do 27.03.2009, organizatorima dostavite vaše eventualne primjedbe, sugestije i prijedloge na ponuđeni tekst Zaključaka na email adresu [prijava@epn.ba](mailto:prijava@epn.ba) ili fax br: 033 474 033. Organizatori će sve pristigle povratne informacije pažljivo razmotriti i uzeti u obzir prilikom izrade konačnog prijedloga ovog dokumenta.

Rok za prijavu učešća na konferenciji je **27.03.2009.godine**. Druge praktične informacije vezane za ovaj događaj možete naći u prilogu poziva, zajedno sa obrascem za prijavu učešća. Detaljnije informacije i svi dokumenti konferencije moći će se od 27.03.2009. naći na web stranici Sektora za razvoj civilnog društva pri Ministarstvu pravde BiH [www.mpr.gov.ba](http://www.mpr.gov.ba), web portalu Resursnog centra CPCD-a [www.civilnodrustvo.ba](http://www.civilnodrustvo.ba), i web stranici BiH NVO Vijeća [www.bihngocouncil.ba](http://www.bihngocouncil.ba)


Za prijavu učešća i eventualne upite za dodatne informacija o konferenciji, izvolite kontaktirati CPCD na slijedeće kontakte: Tel/fax: 033 474 033, email: [prijava@epn.ba](mailto:prijava@epn.ba)

**Igor Stojanović**

Predsjedavajući Odbora za civilno društvo



Gjoko Snegar,  
Predsjedavajući BiH-NVO Vijeća




**Sadeta Škaljić**

Pomoćnica Ministra pravde  
i rukovodilac Sektora za civilno društvo



**Aida Daguda**

v.d. direktorica Centra za promociju  
civilnog društva



**Prilozi :**

- Preliminarni program rada
- Obrazac za prijavu učešća
- Prijedlog teksta Zaključaka
- Spisak pozvanih učesnika
- Tekst „Sporazum o saradnji između Vijeća ministara BiH i NVO sektora u BiH”